

In fine grazia à Diu, Rivecu u campanile
Ch'un ghjornu aghju lasciatu, Una mane d'aprile.

Zitellu sò pertutu, Ritornu capu biancu,
Vengu à circà riposu, Perchè oghje sò stancu.

O campane silenziu !
N'un rumpite stu sognu
Chè l'esiliatu passa
Circhendu un testimoni
Vole ascoltà dinò,
U cantu di l'acellu,
È pò rifà li passi
È pò rifà li passi
Di l'anzianu zitellu.

Quì, ind'è lu campu santu, Sott'à a filetta serena,
Ci dormenu li mei, Dopu tamanta pena.

Mi dicu capu bassu, Passendu pianu pianu :
« Sò morti quasi soli, Perchè ghjeru luntanu. »

O campane silenziu !
N'un rumpite u mio sognu
Chè l'esiliatu passa
Circhendu un testimoni
Vole ascoltà dinò,
U cantu di l'acellu,
È pò rifà li passi
È pò rifà li passi
Di l'anzianu zitellu.